

沅
湘
耆
舊
集

沅湘耆舊集卷第一百四十八

新化鄧顯鶴湘皋編輯

湘陰左宗植仲基校訂

晏湘門貽琮古近體詩
七十三首

余抱病都門兩月瀕於危者數矣眾醫皆謝之去適
吾鄉羅金門明府入都慨爲診視服藥數劑而愈作
詩以謝若名澤應號金門官河南新蔡縣

青黏漆葉生朝歌上池古水清無波朱顏已老髮轉黑百
歲不死驚樊阿心知此事有真訣不肯自立專門科偶來
賣藥長安市卻恐人呼伯休邗我時呻吟近兩月見之已
忘沉疴陰陽妙用人君手品量增減平無頗自言少年

亦屢病中或稍稍精消磨異人得授肘後秘禁方恐是華
翁陀此肱何止兩三折闕人已歷千百過牀蟻莫憂耳邊
鬪眠蛇要去心中魔掃除三彭與百病自有姪女兼黃婆
膚醫講求不到此擾擾搔癢仍隔鞞近來所治日愈下得
車獨數舐痔多安得先生一湔洗九原喚起鵲與和我生
在天自有命區區芝朮如予何盧生所語真藥石季梁之
病行當瘥

八駿圖 并序

嘉慶間西域每歲上貢名馬高可八尺風鬃霧鬣世所
未曾睹也 上特拔其尤者爲八駿并各 錫以

嘉名

上駟院卿繪圖以進畫工徐呈祥

上

平日所賞識，首也因令先屬草焉。圖既進，震菴遂謹閉其原草，將寶而藏之，出以示余，敬繫以詩。

春風吹綠柳，連草九塞邊。塵澹如掃，房星一夜不在天。化作龍精下瑤島，鱗成瘦骨聲鼓銅。含香噴玉長楸中，真才豈肯落凡手。一韶送入明光宮，霜蹏尙帶蔥嶺雪。汗血卻放桃花紅，牽來十二殿中立。萬馬不敢嘶，向風畫師徐郎寫。生手點綴巧奪人，天工空堂白晝神。鬼入雷電下，瞰飛蛟龍一馬攢。躡望前導一馬仰，臥頭向空一馬拳。毛帶官印一馬曲，頸口銜鬃中有兩馬並足立。作勢欲踢扶桑東，仰嘶俯齧各有態。秋光炯炯懸雙瞳，畫成攜去進闈闈。庭前宛轉相向同，五雲深處春日永。至尊一笑天開。

容汪侯震菴有馬癖愛馬稱德不稱力殿中駉牝三千羣
以手摩抄自珍惜騰驤磊落青雲材媿我蹇劣猶塵埃時
清不用嗟伏櫪 君王方築黃金臺

禱雪

二麥經冬未出土城中紛紛斷屠酤真人入覲天開顏西
華門外高築壇築壇未成雲已黑真人高坐意殊得須臾
忽被風吹晴壇下隱隱聞笑聲書符作法不停手可憐十
日成烏有真人無言願道官聞之 天子命返山驛從
已過良鄉縣纔見天陰集微霰

重遊西山時臘闌甫畢

香山脈自太行出勢如萬馬從西來奔騰到此一蟠結化

爲九疊屏風開神仙狡獪頗好事左股割自東蓬萊紅墻
蕩漾碧雲裏欲上卻被風牽回紛紛天樂自空下舊曲似

唱人間哀鸞翔鳳翥眾靈集瑤草自長無人栽驪龍抱珠

方醉臥

山有寶珠洞

見我狎至坦不猜浮邱老翁舊相識灑掃

坐我蒼石苔謂我前世香案吏名字早歲留三台芝田丹

竈君舊物指日當得成仙胎嗟余年來抱奇疾意念人作

長孺灰豈無媒妁託青鳥自晒骨相慙丹臺飄流一飽於

願足計不及此寧非歎昆明三月湖水濶可以濯我樽與

鬪天桃豔李忽已過指顧綠葉紛成堆春光別我太倉卒

如閉蟄戶初聞雷今者不樂復何待且可醉倒黃壚盃山

中雖無胡麻飯芋栗亦足供炮煨迴風萬里送歸雁但見

落日低黃靄舊游歷歷足畱戀其奈佛閣齋鐘催詩成一
笑下山去山神窺我方哈哈

雪中集環碧山房戲仿聚星堂故事得沙字

朔風吹水搏作沙深冬一夜生春華初來半已滅檐瓦落
仄漸覺明窗紗青山意似厭冬寂老樹忽訝攢天葩開門
僵臥自擁背攬衾欲起先敲牙遙看前溪絕行迹時聽古
木號栖鴉強騎驢背覓詩句卻踏鴻爪來君家美人獨立
翠袖薄坐客起舞青衫斜清言霏霏木鐸屑暖氣盎盎灰
飛葭酒痕上面春有色燈光照眼宵無花新詩約共出皓
潔隙韻直欲凌尖叉忍饑已卜種宿麥解渴且爲烹新茶
酒醒人散雪亦止仰見天末縈微霞

李白舟中醉臥圖

謫仙騎鯨上青天詩人酒客兩茫然淋漓醉態猶在眼
令人卻憶長安眠南湖夜靜光有無明月照見波中鳧仰天
一笑碧雲墜醉倒自有春風扶酒酣忽憶西明客卻棹扁
舟弄江月今宵有月不肯飲明日陰雲始知惜買螯沽酒
置兩頭散髮起舞江天秋酒當盡處我當發醉欲眠時君
且休余亦爛漫好長醉一杯相屬君知不先生已睡呼不
起屋梁落月風颼颼

謁三閭大夫廟二首

廟貌依然在空山日又曛荒涼悲幼艾偃蹇卜靈氛淚灑
東門樹愁生北渚雲傷春千里日何處弔夫君

江畔芳籬長欲歛薦一觴招魂三戶在續命五絲長不畏
蛟龍惡應爭日月光雲旗疑彷彿呵壁問東皇

鐵佛寺

迢迢北城外中有歡喜園梵誦寂無響松風寒到門山僧
掃磐石野客開清尊歸去碧雲台蒼蒼煙樹昏

一隅草堂偶作

半畝陂塘外相仍有舊廬畫簾低礙燕花嶼細通魚上番
看成竹春盤進早蔬無勞更題署沈約正郊居

舟次君山

日落大堤東蒼茫四顧窮潮來連岸白風散半江紅野蚌
秋爭月江豚夜拜風巴陵今夕酒一醉荻蘆中

登岳陽樓

挂席洞庭秋飄然向岳州昔人畱一醉千古仰高樓我欲
從君去江空水獨流終期隨汗漫明日五湖遊

岳陽樓望湖

大氣全吞楚巴陵勢欲無水平雙鏡合峯挺一拳孤憑眺
成終古艱危寄此軀君看窮塞主經濟本江湖

河西務早發

風急衝寒起搖鞭趁馬蹏樹高微露月邨遠但聞雞久客
鄉音改長途旅況淒漸看朝日上殘夢落前堤

立秋後一日

信美津門地依人又早秋歸期看馬角生計戀蠅頭短褐

三年客孤蓬萬里遊
貂蟬未可得猶許對兜鍪

楊柳青

大將行師地當年轉戰輕
河流渾夕照堤柳變秋聲
樹接西沽近兵稱北府勅
時清殘壘在把酒淚縱橫

僑寓大覺寺三首

背郭得幽徑入門蘭桂叢
茶煙禪榻暗芋火地爐紅
花散諸天雨松來萬壑風
華嚴三卷在法藏本龍宮

行脚無常住叢林偶寄身
法能離老病人自苦風塵守
藏羣龍穩投鈎野象馴貝多
羅樹葉覆地幾由旬

十笏維摩室天琴手自張
木魚晨唱粥金鴨夜焚香
得句思呈佛歌詩恐類偈
再來桑下宿應作海瀛鄉

癸酉九月感事五首

破鏡潛篝火威狐兆彗星中天懸日月
禁地鼓雷霆敢向螭頭犯寧勞豹尾停渠魁先就縛擁護有神靈

蟻聚連齊豫殲除遣大軍龍驤屯勁旅虎氣埽妖氛但慮
荆榛蔓還憂玉石焚宵衣披五夜露布幾時聞

城社憑依熟謀危計亦殘潛師因掌管砍吏遂探丸誰起
潢池盜須貽柱石安董龍雞狗輩何足辱刀瘢

海內承平久長槍缺未磨金吾方擐甲蒼震門名竟揮戈

醜類驚猿鶴軍聲亂鶴鵝時清兵不發莫浪挽天河

屈指兵行日烽煙且數旬大鈞憐赤子公憤翦黃巾

廟算無遺策師貞在丈人
皇慈春曠蕩塊圮播無垠

羊流店

太傅衣冠古荒祠草木秋江山餘湛輩人物幾羊流事有
不如意公當誰與儔空畱故居在無復見輕裘

渡江 并引

天分南北限人動古今愁此余幼時和友人舊作也嘉
慶甲戌秋隨筠溪尙衣過此偶憶前句因足成之亦以
見事皆前定云

挂席此江水蒼茫紅樹秋天分南北限人動古今愁畫角
傳京口雲帆指石頭青青雙倦眼憑眺一登樓

哭孫白沙四首

江頭惜別正依依何意今朝竟不歸半世功名包馬革一

廬風雨臥牛衣故人淚灑東平樹仙客詩傳采石磯寂寞
蒼梧相望遠夢魂終古向南飛

鹽車一蹟困難興天闕真堪惜剡藤山海卅年餘

阜帽生

以丙辰年賜環成

後西凡四十年嶺蠻千里弔青蠅生前抱刺懷中滅

後修文地下徵嘯鳳堂前一杯酒回頭何處晤孫登

意氣縱橫死不休詩文零落一瓢留西堂燈火中宵散南

國江河萬古流宿草但聞耆老哭遺書難得茂陵求秋風

遼海無窮恨夜夜珠光貫斗牛

先生以失詩
稿得疾故云

吟思往事欲傷神七十年來老斲輪作志可無慙有道招
魂誰解悼靈均鶴歸華表臺長夜星落吳中草不春太息
斯文從此墜大賢衣鉢屬何人

送楊孫圃先生南歸

勞勞蹤跡感浮萍，又發征車向洞庭。
去國一身餘短策，他鄉知己賸晨星。
酒傾燕市樽常綠，山到湖南眼自青。
芳草王孫歸路近，不須惆悵怨湘靈。

寄懷歐陽礪東先生二首

時先生掌
教永平

盧龍絕塞海東濱，別後相思草又春。
名士我原慙畫餅，窮邊天合老詩人。
騎驢且喜東家借，射虎知無醉尉嗔。
故李將軍休感慨，料應雙鬢已如銀。

白首艱難幕府趨，天涯飄泊海雲孤。
南冠有客多鄉思，燕市無人憶酒徒。
遠塞秋風悲斷雁，橫塘春水夢雙鳧。
何時歸路資陽去，青草黃茅話五湖。

天津城晚眺時不得譚鄧兩君子消息

天涯半落異鄉愁，步屨聊爲汗漫遊。
兩岸燈明多聚舫，一城秋晚獨登樓。
經時魚雁音書斷，彈指風花歲月遒。
輸與入秦蘇季子，隨身猶有敝貂裘。

麥秋汪郎中邀同遊極樂寺返放舟至西直門四首

城上晴雲放早暎，相攜郭外許開樽。
四圍柳樹疑無寺，一路泉聲直到門。
香火勝因知象力，芋田鄉味憶鴟蹲。
寺外芋田

甚多哀絲豪竹渾難用，臥聽蛙歌兩部喧。

一勺亭前萬木蒼，僧房詰曲轉迴廊。
林看上番抽新筍，茶瀹頭綱試早槍。
鐘鼓晝寒禪照寂，杉篁風定梵聲長。
殷勤多愧山僧意，更費齋廚送酒糧。

海羣旗亭蹟尙畱相思迺隔楚山頭晨星落落人千里世
界茫茫海一漚舊句好教紅袖拂新詩多付紫雲謳重來
花下知何日暫作諸天頂上游

沉沉鐘漏夕陽催一棹舫船趁晚開叢荻有時多礙舫好
花當路恰宜盃高原麥氣浮秋出來岸松風送雨來乘興
莫愁歸去晚六街燈火照君迴

九日得礪東先生自永平寄懷詩奉答二首

榆闌木落晚蒼蒼天末懷人各一方喜見雙魚傳舊雨惜
無樽酒共重陽少年王掾頭空黑老去支謙眼獨黃知否
能來作酣醉白菱紅蟹正堪嘗

把鏡頻看歲月新都將松竹委荒榛

來詩有爲報居鄰王仲道故園松竹又

風之一年佳節惟今日四海知交更幾人滿眼黃花誰作
主關心白雁又來賓可能今夜相思處耿耿參星獨嚮晨
喜譚吾肩鄧湘臬兩先生至

連朝望斷孝廉船小別驚看又四年留滯周南成我老聯
翩冀北讓君先推襟笑向寒陵石開篋文餘寶劍篇見說
瓠瓢堪貯酒樵蘇不爨亦欣然

漫興

陶公癡病老未除仰屋咄咄嚼蠟如誰能爭食向雞鷺枉
自拋力箋蟲魚青瑣雖是王氏物黃紙諒非劉卞書閒來
臥念少游語羨爾下澤道遶車

臘日二首

閉門枯坐動經旬至後園林暖氣勻殘臘好憑詩送舊塵
容全仗酒翻新案無蒼鼠煩書鬼家有黃羊祀竈神芳意
不須吹律管桃花先放隔年春

病後形容鶴不如窮神未送轉愁余寒燈斗室宵喧鼓香
飯齋廚饑動魚且喜東風來有信絕憐南雁去無書何時
一處團圓坐共醉屠蘇過歲除

將歸行有日矣居停主人殷殷慰畱感而有作

三十頭顱藉未通仍將句讀走兒童屠龍敢謂傳家技磨
蝎偏能守命宮脈望化來猶有字爰居樓處尙愁風從今
折足知應免得失區區較塞翁

天涯踏遍歎紅塵萍蓬相逢酒一巡每爲穆生常設樽得

交公瑾卽如醇但令醉飽呼庚癸莫更蹉跎到巳辰惆悵
武陵溪畔路春來何處問迷津

山澤臞仙被墨磨鹽齏歲月竟如何無臺可避詩人債有
鉢難降病客魔閒 蟲魚消晝永貧將口腹累人多豬肝
一味堪專饗敢向東堂更乞鵝

齒折寧當便廢吟仲長雖在已成瘖趙人自笑三遺矢魯
國何勞九奏金過眼流光真露電隨身長物只書琴波旬
得便休相戲早是枯禪不住心

雪泥鴻印偶然畱行腳原來是趙州未了塵緣空老大生
成傲骨要窮愁醉無一事思犀首癡任旁人說虎頭滿地
落英飛不起因風時復到簾鉤

空將五字憶虞松癡鈍禪機媿劍鋒倦客似蠶絲自裹愁
心如碓杵頻舂侏儒偃蹇欺方朔窮鬼挪揄笑伯龍未免
被他猿鶴怨故山何日足音登

已分功名老負樵此生寧合拾遺貂縱令上苑全相借正
恐枯桐半已焦戾歎黃楊愁聞至堅看松柏後時雕多情
惟有孫陽老肯放鹽車首一翹

官燭燒殘夜色昏主人高誼勝畱髡徵歌屢載東山妓愛
客時分北海樽結習已空花尙在清談不覺酒頻溫孟公
座上頽唐甚可放窮賓出後門

揚州留別潤皋

客中相見黯然餘又向江頭賦索居明月二分剛過故江

帆千里更愁余家知欲到翻無夢途豈因窮遽廢書共說
進賢蒙上賞子虛誰解薦相如

寒食

三月都城又禁煙綠楊邨畔草連天他鄉寒食多遊騎舊
國春山有墓田過眼鶯花成往事陶情絲竹感中年何當
卻與襄陽叟歸釣槎頭縮項鱸

桂香巖侍讀以令兄菊溪制府平海投贈集見示因

題長句

經年戍鼓徧花田露布初從嶺外傳六月舟師齊下瀨白
頭元老正憂邊憑將霽月光風度洗盡蠻風瘴雨天造想
海南春事好幾回欲泛蠶人船

春日訪臥雲山人廬處因畱小酌

長安車馬不到處松竹叢中開小軒
池塘雨過水三尺花柳隔溪人一邨
春深稍覺風力軟日暮更聽禽聲隨
與君對此不盡醉忍使落日傾金盆

遊寶藏寺

崢嶸樓閣俯層巒纔入閑庭眼覺寬
幾日東風猶料峭一年春事已闌珊
雲移塔影當窗見松撼濤聲作雨寒
多謝老僧分芋意此生無夢到金鑾

半山寺

心旌猶其浪搖搖秋色長空靜寂寥
千里青山瓜步樹五更殘月海門潮
堂堂龍象諸天迴歷歷鐘魚下界遙
一瀉

中冷泉畔水暫時留此避塵囂

登妙高臺寄湘皋

高臺遙指海門長檻外滄波接大荒樓閣倒懸山罨畫江
天難辨樹微茫松風捲地衣衫冷花氣薰人笑語香北眺
瓜州重迴首昨宵燈火宿維揚

自題小像

眼能識字已堪患相不食肉遑云飛原憲長貧本非病昭
晷雖瘦已勝肥癡漢忍斷杯中物老子許脫體上衣誰能
更學鹿茸客笑汝蹇蹇將安歸

書南宋雜事詩後四首

中興南渡識先成王氣全荒夾馬營豈獨庸臣解亡國儒

生長計在休兵

醮設天台墨未乾東窗事業最堪酸只言南國存司命不
識西湖有判官

殘碑草沒三皇廟御畫煙生五國城絕痛兩宮歸不得燕
山今日又清明

報國空聞四字銘君王終戀小朝廷孤臣一劍中原淚老
卻英雄是此亭

詩龕二首爲法梧門祭酒題

金粟堆中般若光頭陀居士坐焚香誰知國子先生室也

要天花作道場

李義山句

落落蠡壇一代師黃龍退後幾如絲風流合著茶陵老雪

北香南兩住持

先生所居卽李文正公故宅

讀史五首

長圍獵罷夜三更
百里惟聞鼓角聲
天子下廚親汲水
可知救屬阿兄

飛輪無轍夜光沉
曲項琵琶酒自斟
莫怪援軍齊解甲
席前猶唱小觀音

唱吼吹脣噪不休
御牀終見坐獼猴
山家狗子知何事
惟記阿爺在朔州

羣君未識沈休文
佐命公然屬此臣
手把詔書先草就
不堪流涕對宮人

任老文章筆似椽
才人從古幾能全
清貧數石桃花米
心

折梅蟲亦可憐

周雨林明府招飲賦池上竹分韻得金字

遠近看山好蕭蕭夏木摎捫天聞素籟對竹撫瑤琴幹挺
雲千尺光搖水一澗風高聲碎玉日薄影銷金嫩筍黏丹
漬蒼苔鎖綠沉檀欒常在地瀟灑自成林柯結珊瑚樹莖
抽瑋瑁簪垂竿鱗可鈎作簡蠹難侵絲肉鏗鏘叶戈矛護
衛森不知三伏熱但覺四時陰翠色分幽幌清飈發遠岑
誰家門許款是處酒堪斟未報平安信先傳律呂音園亭
容嘯傲景物易嗟慘洞洞王濛性猗猗藹武心此君真磊
落余思寄遙深呼飲袁公醉敲詩楚客吟十年成小別聊
此一披襟

對雪戲仿宋人禁體同湘舉作

一夜衾生鐵簾前瑞雪霏初猶兼雨下落八覺風微寂聽
虛堂靜俄看畫壁輝乍迷騎馬路旋失釣魚磯戰合龍窺
野宵深虎遁圍六飛花片大三兆麥苗肥孤鵲棲難定遺
蝗種可希溪流疑欲斷山色頓全非落拓佳人袖蕭條老
將衣使車旄自禿窮巷戶長扉撥盡餘灰冷吟成凍筆揮
詩防干禁例酒不敵寒威瘦骨稜稜怯鄉心漸漸違淒淒
環堵內徙倚看春歸

沈澗齋集卷四十八終

沅湘耆舊集卷第一百四十九

新化鄧顯鶴湘皋編輯

湘陰左宗梳仲基校訂

黃訓導本騏八十一首

本騏字伯良號華耘寧鄉人嘉慶戊辰舉人官城步縣訓導有三十六灣草堂稿入卷伯良少孤與弟仲良本騏齊名喜言詩不主一格近體雅近七子早歲嘗與余同客京邸後聞其官城步不久旋卒迄余爲滄寧校官嘗主其家益習其內行無子二女均能詩工琴其長者名璫字葆儀尤明慧早卒余爲志其墓伯良詩瓌奇豔麗以才氣勝今選

其空靈清挺根柢性情之作不欲僅以才人目之也

出門

侵曉發星沙煙霧湘江水秋容隔漢南孤帆一葉指男兒
志四方嗟我今日始短劍逐浮萍長風促行李昨日別高
堂灑淚門前倚送兒秋風中盼兒春風裏縫衣重丁寧切
切長在耳今宵應計程首塗早千里艱險兒未經母心已
如此白雲仰飛揚永懷歌陟屺

述訓六首

本驥與同懷弟本驥幼孤惘賴太孺人教育未敢稍懈
膝下以貧故于役金匱言苦切本驥日以墮墜爲懼

於姑所舟次謹綴述六章

母若曰騏我嬰萬境盡瘁難支爾父客死惟有孤兒爾也
韶弟妹何知何以朝夕飲水餐糜何以生理春爾秋機
茹荼如齋直到斯時嗚呼噫嘻爾諦聽之

母若曰騏我苦如此寧莫我知瞻彼越鳥猶巢南枝溷人
籬下零雨流離胡不奮飛長此嗚唳送爾遠道載縫汝衣
四牡騤騤清淚漣漣嗚呼噫嘻爾諦聽之

母若曰騏言念遠遊我心傷悲乃祖乃父燕貽式微熊丸
篝火跛子涕洟臆窮五技鵠困一枝途窮日暮秋風吹衣
糾心櫛沐以書以詩嗚呼噫嘻爾諦聽之

母若曰騏枯楊號風鷲鳥卑飛敬共朝夕謹小慎微白日

爾爾世俗猥披進爾惟德慎交尤宜和以濟衆介以自持
知心乃貴酒食奚爲嗚呼噫嘻爾諦聽之

母若曰騏蕭蕭北風浮雲南飛星霜關河兒寒兒饑爾身
遠阻我心與馳爾毋少疏晨食夕衣天涯萬里憐者伊誰
臨水思隕登山思危嗚呼噫嘻爾諦聽之

母若曰騏家思長子母戀遊兒妹未許纓弟未結襦匪伊
任之瞻望伊誰驅車東門風雨迷離盼爾來思楊柳依依
勝地久滯我日攀帷嗚呼噫嘻爾諦聽之

入沅江次虎癡韻

別淚灑湘雲萬絲搖竹箭悲絕鴈鳩嗁扁舟去鄉縣朝聞
江水吞暮看江雲變回首舊家山蒼蒼不見廿載片

飛曳風鳶斷綫性命波濤輕生死鯨鼉戰印爪笑泥鴻歸
心慙社燕此行又偕君依人磨一硯縑帛慎勤裁丹鉛休
告倦登牀杜甫狂洗足馬周賤誰能測延津掣影躍秋練
况我踰巒山破碎雲千片狝鳥恣啣啾獠花空婉孌芥帶
雲夢胸模餽廬山面何時歸舊廬對牀契夙戀

夜發長沙

明星何搖搖行人起夜半營室無晶光離宮紛兩畔秋風
別家室安逃天所算騃女黯無言淚滴機絲斷癡牛不縛
輓瞳眼隔河看造父車奔馳王良策凌亂咄哉九析津如
船橫絕漢載我遠離愁夜越瀟湘岸鳴船生風濤離夢半
飄散江寒秋已深月墮星猶爛身世感飄蓬光陰迅流電

沙洲春有金... 卷之四... 三
樓樓如狗馬汲汲營巢燕備書老中道乞食棄旁縣感舊
槍山陽論才薄時彥狂劇興欲飛悲來淚如霰翦燭話無
聊擁衾坐待旦熹微曙光寒渡口聞人喚

辰陽客舍逢寒食示虎癡

去年我來遊獨臥蠻山堡今年又攜君同隔蠻溪道傷哉
貧驅人身世混猴獠酸風冷雨中坐令光陰老舉頭望湘
雲一白橫天杪臨行身上衣綫跡縫顛倒慈親定倚門雙
眼倦遠旻大婦緜徒織中婦素空擣無米事晨炊何能矜
手爪縱不節禁煙定亦爨斷燠蕭蕭郭門圻纍纍翳蓬葆
燒紙噉孤兒澆飯走村媪草荒先人塋迢遞廢拜掃羨此
蠻中俗其鬼尚宿飽瑣瑣煎中懷百憂來悼恹客窗手一

編勉旃其追詩

白郴州山行至宜章二首

襍被辭郴陽蓐食曉充餓石路紛坡陀籃輿苦掀簸連山
解留人蒼翠四遮邏高聳千獅蹲低偃一蠶卧登陟愁癩
緣迅捷羨鳥過汗洗雙肩頰嘆彼役夫瘁囊捆炎嶠珍爨
裹鬼國貨隊隊鳴騾綱行行轉蟻磨忽憶長安道秋風響
鈴獸沙飛面目黧緇化衣裾宛故人凌雲霄賤子困塵堞
浮雲停北征而又此南播欲賡莊舄吟遠寄海人和

宵征宿良田

名

旦發登摺嶺騎田分一支五嶺繪小影湘

楚近扼關粵海遠樹屏林巖盤尻雕蘿石裂疣癭振衣摩
其顛雙眼豁然騁上界天澄清下界氣森冷迤邐及山腹

便入宜章境曉煙炊千村秋雲刈萬頃峰巒包絡中月關
一風景山水開秀靈人物出清醜有明昔中衰烽火也先
警變與蒙土木瑞寺實項領桓桓向書斷巒不得請碧
流邊草寒丹照國史炳高風夙仰欽眷茲舊鄉井

石頭寨

千澗水拖藍羣峰雲擁黛秀壑森巖豁陰林響松檜衣冠
圖古民溪山做幽界人煙蒼茫來行吟入圖畫西莽此門
戶西山莽山
猶人所居當年曾守隘臨臨環石頭虎踞險作寨

遊蒙巖疊韻三首

探奇類讀書按討資博問巖石飛巉巖實擅宜城勝春遊
同侶蛇盤上曲徑煙林鬱蔥山花炫繁靚峭壁森玲

瓏青綠駭不定，蜷曲懸枯藤。根繞巖，層橫雲腳插，欹斜天

骨，撐端正。泉冽山趾飛，碧瀉苔痕潤。浮黛落梳櫛，山影與名影與

泉聲迸松濤，謾謾吹寒籟。滿幽聽草際，卧殘碑。樹杪盤飛

磴，上洞下流泉。嵐翠瀟幾，何枕流字，誰鑄。巖下泉曰蒙泉，石旁枕流二字。

傳是宋刻波磔千古瑩，泠泠浣襟清。滌滌盪眼淨，有宋紹定間

照山烽火映，趙尹親視師。士氣勇超乘，尙蓋化嶷沙一壩。

無餘燼，紀功銘仙館。大書誌名姓。巖左石上鑄紹定六年春正月，湖南帥竇學侍

郎余公，驟聞宜章寇警，檄知邵縣兼幹辦公事趙希道以

十月乙卯領兵招捕，癸酉追戮，殲李二酋，斬首六百有奇。

俘五十，釋戈請降之人三千，大犒師徒，發餼而陳勒石，仙館以志歲月。凡九行字，徑四寸強。摩抄緬英

風勁我懷古，興巖鶻忽驚。飛晚風送遙磬，美人閉幽谷，窈窕人誰問。賴有才人筆，雕鐫出其勝。草露

吹葛衫嵐花殿松徑青梳石髮紫翠擁螺鬟靚穹巖劈山
 開位置天然定亂石鬱嵯岬影入煙雲橫渲染古皴紋枯
 龜拆斜正河底湧飛流甘雨林麓潤銀瓶傾漢來響破水
 聚迸溼雪眼纒翻晴雷耳根聽飛騰凌蕪岡攀梯蹋蘿磴
 天風振衣涼縹渺翔千仞朗朗玉山行照影人心瑩瑤瓊
 懸圓明到天一色淨良巖拱其南峭秀競峙映奇樹蔚華
 滋風流詠枚乘篆壁落釵鉤劫火燒不燼銜題色目人氏

勒蒙古姓桃花雨溟濛蒼話寫遊興披薛讀古詞如聆清

夜磬巖內石罅聲刻元人詞序云至正戊子二月朔僧惠

溟濛恍恍應世汲泉煮茗清話移時為賦菩薩蠻一闋云

來玉堂開綺戶不隔塵寰路休認避秦人壺中別有春

通議大夫憲僉僕世玉題方廣一尺五寸凡十三行

銀甕闌何年倚松向空間招邀來探奇笠屐討名勝枯藤
繞林扉陰蘚滋竹徑煙黛盤髻螺鏡人半面靚槎枒拔地

高竿攫樽空橫齧齧巖層開蘊蘊山脚定天巧鐫孽窠

岩首

有天鉤勒鋒棱正張絃松韻幽噴竇泉流澗一碧瀉蒼煙

巧字

大珠小珠迸講堂遞書聲佇立風前聽從龍翠模倂穹碑

插石磴蝸篆縈九迴墨花吐千仞樹鎖雲壑陰乳滴石漿

瑩入竅六月秋襟洗炎塵淨枕柳傍巖植蒼靄黃岑映頑

石類頭陀坐參辟支乘談鋒塵屑霏茗戰鑪煙燼來遊笑

我頻山鳥識名姓欲袖白雲歸徘徊有餘興寒淙瀉石飛

鎧鞞奏鐘磬

遊良巖次陳固菴大令韻

良巖在宜章南城外一里
宋淳熙間邑令吳益所名

墮地青芙蓉從籠豁一洞湧竇寒泉香綠潑梨花瓮森森
石抽蓼翼翼天架棟簷花招鶴銜林果喚猿供蔓黏蝸殼
涎乳啜鷺管漣呵叱陰霆生眩閃荒怪闕笠屐來窺探岫
望狎衛從磨空劒骨張破險詩膽縱松粒落琴絃響脆流
雲弄巖唇書擘窠墨苔繡自宋花石良嶽遊新綠良山送
武陵良山東麓爲宋南渡後
袁遊番新綠處見歲寒堂集山河尖角小煙月紙錢重而
此又名巖宛續宣和夢天風吹古愁填滿青蒼空長吟起
清對巖石忽飛動

重遊蒙巖疊良巖韻

危巖表絕巖重門闢洞洞攀峻懸綠梯絕幽笑入瓮混沌

誰雕饒天然湧簷棟陀林三花飛彌勒一龕供怪石青浮
班流霞翠灑漣跳擲竄空壁啾啾饑鼠鬩招邀山鵲呼借
行林鹿從經年驅風塵此來眼一縱捫石吐狂吟煙墨戲
舞弄婚嫁遲向禽衙官到屈宋泥飲聯朋替花枝酒籌送
畫看李營邱琴聽吳季重時同遊李君作畫吳君彈琴契茲泉石緣破
彼浮生夢返照耀金碧閃漏巖雲空石丈恐人歸避雷屹
不動

秋意次韻二首

市近闌蝸廬塵喧了不至攤書秋樹根忘言得真意桐葉
時飛來蟋蟀聲滿地秋水環戶清秋山接簷翠明月夜隨
人未許片雲翳長吟思古歡曠懷千載寄

飛葉下庭柯秋風忽而至開門眺遠山清瘦寫秋意可惜
山中雲隨風吹墮地風來更風往攪亂一山翠暝色生蒼
然孤村半掩翳美人千里遙相思渺難寄

泗溪早行

在宜章縣西永福鄉

殘月墮泗溪蒼騰秋一片怪石飛巉巖冷雲溼灑面荒雞
不畱人喚夢出草店

秋雨新霽借文雲巢家弟虎癡拜嶽沿途得詩凡八

首以帆隨湘轉望衡九面爲韻

久雨忽新霽行子喜不凡恭惟母介壽朝嶽進一帆母壽
得天貺敢云通至誠先拜嶽峰麓溼雲埽松杉湘流三百
里皎鏡隔塵函照取芙蓉影一路秋出岫

我生癖遊覽波濤驅文詞行篋墨狼籍半是紀遊詩茲行
挾豪侶又喜令弟隨篷窗開一甕出入殼負龜依然事筆
硯卧對吟挂頤秋山入腸胃吞吐生離奇

蘭皋綠被露橋林黃染霜灝瀚渺無極秋色流瀟湘指點
興馬洲雲樹紛微茫偏據竊五季九龍飛殿梁堂堂府天
策亦解重文章此事足感喟寒波明夕陽

昭山折湘流逆泝孤帆轉波紋魚鱗沙跡鳥畫篆門巷
瀟湘色城郭露棧齮潭樹霜後脫岸花風裏泣問俗易俗
河風俗今猶善雞豚散村店硬稻聚客廡

身世久無託何妨希禽向消受山水緣掃除文字障義義
大圖石福地紀道藏龍虎凝紫煙火燒丹鼎煬定有古仙

人山雲坐供養扁舟不可卽搔首徒吟望

窮刻空靈岸蔚若雲霞生寂寞屹江許奔峭叢榛荆次舟
少陵詠千載誰繼聲忽睹巖壁額署以觀音名何異十姨
摩祈禱煩娥姪懷古坐三歎作詩告虞衡

夜上昭陵灘石咽灘聲吼我船類飛鳥急趁灘風走詰旦
過樊田轉轉湘岸久又似遊武夷溪迴九曲九空翠來吹
衣嶽雲盪動嚶喜晤雲中君天際立招手

插天張屏風嶙峋七二扇曩遊六度經矯首詫奇變未能
俯絕頂安得認真面祈年躬齋宿禪帛敬告薦雲霧竟掃
開了了峰巒見料理雙芒屨泊舟衡山縣

國士行

衆人遇國士遇深淺臣心寧敢願國士報眾人報輕重臣
心寧敢較欲媿天下二心臣范中行氏爾何人國也諫果
也爭生瑤存智豈不榮主頭一飲器仗衣三斫地炭徒啞
漆徒癘讓乎讓乎義不義

經東阿項王墓下

祖龍阮儒生新安一阮秦無兵祖龍火典藉咸陽一火秦
地赤草草作事真英雄魯儒守義思無窮衣冠具葬尊魯
公吁嗟乎仁如婦人勇匹夫石麟卧傍宣尼居赤眉掘盡
長陵土襖雲龍虎今何如

虎癡主虎谿書院以詩示余情詞鬱塞戲和二首

萬植酣酣蘇春陽煙綠飛送山一房虎谿先生絕可笑抱

經生破藜根牀炯炯光吐鼻端白稜稜氣躍眉梢黃幅巾
試作鸚鵡舞要君學癡先學狂

閉關一編伴侶陽蔬筍廚冷如僧房歌聲有時出金石筆
花墜落銅琴牀天與男兒好身手徑須飛劍師中黃生斫
垂龍縛饑虎跳盪一吐書癡狂

望壺頭山

壺頭矗立雲濛濛四環冷翠吹船篷豁然聚米拓形勢終
古新息甯英風烈士晚成四七際羊裘皮袴何恢雄白帝
公孫井蛙噪天水上將泥丸封遨遊二帝不苟合洛陽奉
使真人逢南嶽交趾北抗虜駭越鼓鑄銅馬銅勳業豈藉
椒房貴國盡不入雲臺樂被甲據鞞示可用壯哉征蠻嬰

鏖翁龍鬚大眾盡頭進寧假迂道潛出充炎氛毒蒸土瘵
死天而登謂人謀窮曳足蛇窟耿颯爽喪尸馬革垂精忠
未論心迹論成敗西域胡賈譏誠工上書縱賴訟朱勃飛
謗未得排梁松不觀希範據五代控馭谿筒殲獠獍一柱
銅鑄錦獎界猶繩祖武銘其功二千餘年陳迹掃巖關扼
險開辰龍風馬雲旗想來去怪鳥呼煙猿嘯空鐵笛橫吹
武溪 西斜陽倒挂山排紅

古杉

結根黃岑嶺之麓距宜章縣東北二十餘里
株雙幹直上亭亭圍三丈高二十丈有奇其大

幹輪圍小枝蟠曲蒼古
而離奇殆千餘年物也

黃岑老杉何大矯古黛參秋入蒼昊駢擎苔幹雙蛟飛孤
壓霜根五人抱斑繡磨銅蝕皺散槎朽折鐵禁屈撓風搖

澗澗蒼鳳翎影動
粼粼黑蟹爪交柯
豁聳愁攀猿飛蓋
高擎絕棲鳥鹿松
牛梓詎頡頏晉歲
唐年誰究討連理
一氣爭低昂答響
千秋嘯昏曉磅礴
元化迴鴻濛呵護
鬼神守幽竊雲痕
拖白接衡麓海氣
蒸青連粵嶠我生
嗜古來摩挲如對
古人早傾倒冠劍
森排漢官儀髭鬢
蕭揖商山皓未屑
秦皇庇雨風定坐
將軍樹旌葆林林
旁立臚諸孫落
落中途盤二老君
不見扶風樹古柞
爲官緹錦被飾沒
荒草又不見茂陵
臺高柏作梁斧斤
雕斲傷文藻仰如
輪囷埋山阿飽鍊
煙霞終壽考

白旗峰

在宜章縣西南百二十里

齊山

在宜章縣

山高高接天羣峰壁立相鉤連中有一峰最秀

峭云是神女曾此招飛仙雲外飛鳥不到處白旗縹渺接
峯巔至今竿石蘭遺迹神錐竅蝕苔花圓我來攀蘿踏絕
頂蒼蒼四望心茫然蓬島方壺不可見何時笑拍洪厓肩
墮落紅塵閱人代蕩搖幻夢風旌懸徑欲誅茅此峯下羽
衣遊戲追躡躑仙姝就訪芙蓉館幢幡夜捲兜羅綿

桃源同家弟仲良用王右丞桃源行韻

輕帆吹挂桃源春紅霞壓岸花飛津三千年來問流水我
亦當時洞裏人結茆記得緣巖隩半枕幽泉半林陸行吟
未擷楚臣蘭別淚不彈湘女竹長城築怨宮築愁逃遁筭
咎脫赭服雲水一區天外源亦疏蕪穢鋤田園不見高池
龍壁碎詎知雪澤狐篝喧吁嗟海上童男集徐市漂流去

鄉邑蜉蝣島外片帆飛
龜鼈波中扁舟入眷屬何如家此
閒擾攘浮雲一往還
重瞳雖逝烏江水五采龍繞芒碭山
四塞况經黃霧見閭位蛙聲噪赤縣銅臺歌伎悲曹瞞玉
塵蒼生一衍世上滄桑幾戰爭山中歲月無更變千古
萬古一雲深蒼茫隔斷桃花林卽今商山起園綺如此仙
源誰去尋

遊良巖題壁

千峯萬峯秋破碎環繚黃岑互鉤帶雲根飛立開巉巖路
躡煙蕪入蒼靄哆然巖闕天扉闕眼藏頓覺閃金積沈煙
鼎象迦葉龕霸葩鉢噴曇花界斜裂龜紋半壁槁削垂龍
骨千年蛻冷冷泉流佛脚去齋淡無底澗其內呼召擬道

神魚躍磬欵怕驚老驪睡抱珠不醒御風靈噓氣無聲吐
靈竇旁懸一洞尤奇絕巧穿巖腹出巖背蝙蝠啾鳴巢陰
黑燃燻下爛駭幽怪奇鬼森搏熊羆踞伏弩蹶張劍鏗淬
石花飛乳聲珊瑚灑壁灘纏篆倒薤偃倮仄步竄難前毛
髮冷豎攢磔蝟五嶽平生癖遊眺煙霞借豁胸襟隘南來
未窮滄海觀得此邱壑頗稱快蒼茫短袂吹仙雲渺靄寒
空落暝黛巖巖捫遍濡吟豪流響西風砧砧

登祝融峯頂歌

蒼雲堆磊九千丈我騎赤鳳徑飛上盡洗平生邱壑胸四
寓空明眼一放罡風吹老五峯秋峯雲下吐身上浮南天
門邊難插腳攖身更躡祝融頭祝融去天一尺五叫開闔

闔共天語烏蟾醉跨雙紅輪戲撼天心第六柱低頭下瞰
幾千里人閒都化浮塵紫一絲縈白瀟湘煙半杯瀉碧洞
庭水東望粵海南豫章咫尺雲樹分微茫羅浮兩螺露黛
影匡廬一粒凝青光旁拱層峯七十一個僂柄持萬笏出
紫蓋倔強不肯朝氣欲爭雄頭總屈金筋玉珮埋峯阿王
母離宮秘馨多人皇九首盤古臂石竈秋深挂薜蘿地老
天荒等一夢火芝枉費仙人種我欲推開石廩門券借天
糧活萬衆

衡山縣

路與衡峯賻孤帆百里經藤垂城角綠山入縣門青落日
在林塔涼風生驛亭幾聲鴉乳裏移棹泊迴汀

一葉

一葉隨高樹寥然天地秋
栖遲在蓬徑浩蕩如虛舟
生事南磨劍還心夜倚樓
江湖簷外白泯泯滾吟愁

夜坐山家

羣峰飛暝翠靄滿林村
浸背月如水盪胸雲過門
翛然空世累相對澹忘言
何日逃塵網長來此避喧

憶弟

弱冠吾家虎論文夜對牀
離心經兩月旅夢咽三湘
有約趨蓮幕何時到桂陽
雁鴻無一字吟望立蒼茫

舟卧

舟卧江雲黑迷茫萬頃秋
關山圍旅夢風浪碎吟愁
來此

甚無賴於人何所謀披衣頻起坐月影漏中流

舟中觀山

破天青到水船外數峰尖石齒開雲竇松梢挂瀑簾風生
樵子斧花亂野人簷坐覺前山暝蒼然靄翠添

嶽麓寺題壁次賓谷先生韻

彌望宿無邊中峰青到天

今寺名中峰

鶴盤松杪上雲盪寺門

前塵劫空流水江山落點煙此來參慧業伴佛契詩禪

晚渡湘江次韻

蕭蕭起寒響木葉下前川客思在秋水孤襟開晚煙疏鐘
林塔外遠火驛樓邊涼雁幾時到懷人又渺然

登岳陽樓次韻

層樓跨湖水飛影壓君山巖折詠觴處古懷憂樂問遠紅
拖日腳空翠亂煙鬢忽聽滄浪曲何人鼓柁聞

入喬口用杜工部韻

春風吹客醉村酒不須賒曠蕩心如水艱難鬢有華壯懷
雙劍冷離思一帆斜迴望湘流渺寒聲走白沙

遲雪

我竟欲高卧吟寒倚暮天梅邊香待酌竹外冷停絃空際
色如許此時思悄然心遙人渺渺未放剡溪船

山齋獨夜懷劉芙初編修

嗣節

周穉圭司業

之琦

風脆簷牙鐸蕭蕭霜氣深殘篝饑鼠出斷發冷蟲吟閱世
愁邊鬢懷人夢裏心知音渺京洛寥落抱枯琴

題合江亭

醜酒江頭石離鴻遠斷羣亭皋空落葉今古此斜曛一鼓
青無恙雙流綠不分昌黎詩碣在搔鬢望衡雲

玉溪寺二首

邃折曇花境天然石作門峰陰雙閣峙樓影一溪吞霽月
沉儒席香雲涌佛幡滄桑問彌勒含笑竟無言

崖斷峰迴處孤僧此坐禪灣環玉溪水來抱寺門圓峭石
青圍樹飛樓翠接天何人弄橫笛涼月吐荒煙

天生橋

半壁翠遙斷兩山雲不開秋虹吹影墮危石架空來燕底
鳴流水巖陰落古苔牛頭山在望天險關崖嵬

鳳頭嶺

蒼雲千仞翬飛鳳立當關地險屏三楚天低控百蠻環林
飛瀑翠懸磴墮苔斑長嘯憑高望從嶽倚劍閒

河朔旅次五首

千里辭京闕迢迢旅路長浮雲橫泳鹿落葉走漁陽彌望
極寥廓勞生增慨燥防身畱一劍加飯慎風霜

游覽半燕趙古懷生莽蕪才人嫁廝養俠工老屠沽易水
秋風冷叢臺夜月孤悲歌聞中肆鞭馬立踟躕

四野天籠罩茫茫岸幘歌草荒驅殺慙風緊落鴛鴦笑擁
雛姬唱愁逢醉尉呵行行問前道蹋月度滹沱

飛蓬滿平野秋風漳水生懷人薊門樹卧病甘陵城樾馬

動歸思邊鴻傳遠聲天涯感搖落獨客倍傷情
黃流飛一線悵望渺如何淘洗英雄盡銷沉戰伐多屢朝
防險要兩界盡風波太息宗雷守蕭蕭喚渡河

廢鏡

爛蝕銅斑綠光韜月一輪似銘秦代篆定照漢宮人色相
空今日模倣孕占春銷磨塵劫盡端不悔沉淪

虛舟邀賞牡丹卽席賦贈

花網藉地堦莓苔沉醉東風倒百杯冷眼何人看富貴春
心昨夜起樓臺內庭歌歇龜年唱仙館香慵羯鼓催料得
玉溪傳綵筆朝雲芳訊夢中來

山遊二首

詞林難辭染俗氛浪萍渺渺感離羣
人浮湘水都如雁山近衡陽半是雲
長吉文章全化淚君苗筆硯竟須焚
江風幸解吹愁去躡坐船頭看晚曛

貧門終日鎖蒿萊熟不因人撥死灰
盡癯低昂衝浪去青山歸強出雲來
埽除吟思成殘牘分付離愁入酒杯
堪笑紅蓮依綠水風流庾杲亦非才

楊花四首

又聽街頭喚賣餠滿城飛絮過清明
香凝綠水煙無際淡寫紅橋月有情
拋我春愁難駐馬攬人離緒約流鶯
尋芳莫蹋章臺路漂泊斜陽了一生

銅鞮飛送一鞭春攀贈驪駒
鬣落塵幾縷花風薰舊夢十

年萍水誤前身鉤簾心蕩樓頭婦剪紙魂銷塞外人欲寫
陽關人羌笛顛狂情態總難真

慘遍長條復短條白門春盡影蕭蕭漫天飛雪過三月滾
地香風送六朝瓊樹難留妃子步露株空擺女兒腰繁華
撇眼真如夢管領興亡舊板橋

過皆無影打隋宮錦纜牽花霸乘空遮莫棲烏啼夜雨依
然葉燕呀東風楊婆唱到溟濛處謝女愁生黯澹中白滿
長堤春萬點含情捉搦倩兒童

澹圃賞菊

我家住近羅含宅閉戶餐英讀楚辭細雨疏煙仍對此
暮冷雁寄相思蒼茫望遠人千里搖落傷秋酒一卮今日

花邊容醉賞蕭蕭搔鬢立多時

白蓮次彭石屏上舍

文藻韻

炎塵不灑軟綃襟沖澹香邊愜靜吟
幾葉涼雲扶露壓一
廠冷月蕩波心僧開白社誰如遠
詩到青蓮句似陰北渚
寒秋休泛棹屈騷流怨渺於今

冷然爲我浣幽襟清簟疏簾抱膝吟
飛燕舞衣畱瘦影狎
鷗秋艇話同心無多滉漾香於水
最不分明月有陰一笑
淡交盟淨友停雲招颭雨來今

柳下懷張笠漁

灞岸瀟瀟月一痕幾絲搖曳舊吟魂
危樓煙淡章臺路破
屋春荒處士門醉想小蠻翻別調
愁聽羌笛怨黃昏風流

忽憶張思曼短艇曾維驛外村

海渠園題壁

小葺山茨養白雲碧縈兩岸界溪紋仙坡豪宅成詩史老
可風流寫墨君繁豔彈牆桃半吐新梢礙戶竹初分畫長
宴坐耽幽閑添炷鼎鑪蕙篆薰

次韻答何十五

元壽

二首

蔗竿酣舞爲君豪慘綠慙余賸舊袍杯酒浮名爭鼠臂又
錢活計刮龜毛通寶傲鍛嵇康柳避世孤棲仲蔚蒿一草
縛人雖解脫書堆蟬粉日爬搔

襟腸挂腹五千篇角藝論交記昔年雨翦景行陸畔韭香
斟慧曉宅邊泉僥君地稅收文篆笑我天荒到硯田綠綠

徑須投筆去，彎弓腰矢射蠻羶。

耒陽中秋

倚閭慈母隔瀟湘，弟宅辰陽我耒陽。同此一輪明月色，分將三地照秋光。橫江遠樹征帆渺，渡嶺寒雲去雁翔。醉枕船舷拌熟睡，團圓隨夢夜還鄉。

登宜章城樓

濛濛斜日挂銅鉦，雉堞排空枕列甍。關樹秋荒蕭銑邑，海雲青接尉陀城。遙山鎖鑰嚴三堡，黃沙栗源芭籬三堡，明正統間設立以扼莽山。西山虎寨烽煙靖八營，宜章營兵分八隊，今校場在宋飛虎寨左右。搖落鄉愁

人悵望，驛樓殘笛咽邊聲。

泊巴陵登岳陽樓

飛渡重湖泊短舟雲邊曳杖問巴邱湘絃遠咽家山夢仙
笛橫吹楚塞秋天入波濤青壓水人隨煙雨綠登樓唐賢
宋哲風流渺嘯傲題詩最上頭

早春遊郝坡山莊

曉蹋湖山一角春鬢毛寒颯裏重巾雲隨短杖自來去我
與梅花誰主賓擺脫風塵開倦眼攀梯巖壑著吟身浮名
不換煙蘿癖天放疏慵作野人

沅湘耆舊集卷第百五十

新化鄧顯鶴湘臯編輯

湘陰左宗植仲基校訂

羅庶常瑛五十一首

瑛字石友善化人嘉慶丁丑進士改庶吉士未散館卒有石友詩稿石友性淳篤淵靜時譽翕然往歲與同居京邸蹤跡甚疏一日偕余與礪東集飲蔣丹林先生宅時禮闈甫畢南北文士畢集喧聒滿座石友終日默坐如處女余與礪東微窺之心異其人已而各散去不復聞問迨石友成進士之年余與太翁同客武岡州署捷至太翁喜甚招同

人飲方共慶幸謂當大有爲于時而不圖石友之遽死也石友之死在其族兄琦鎮江守署詩稿佚去其弟璩收輯殘失附以駢體文爲石友存稿二卷陶文毅序之石友與柘農侍御交篤其死也柘農哀之甚手其稿屬余論定其詩氣息幽靜如其爲人文毅序稱其清亮挺拔良非虛語爲選一卷入茲集石友亦可以不朽矣石友有子曰詳曰銓皆能讀父書其淳靜亦有父風云

發長沙

閒居積成嶺閉戶人不過春暖入重衾日高尙安臥忽然
理征棹空江一葉簸使我睡不穩殘夢驚屢破本無

心出山竟何作勞生徇微名奔走悔不懦

親戚走相送願我得官早豈知江湖上行行人易老春風
從東來吹綠江南草扁舟攬名勝到處鶯花好寂寞獨遊
人誰與傾懷抱今夜推孤篷涼月白皓皓

春流激如箭岸柳青垂絲篙師笑起舞放棹凌朝曦我行
獨惆悵且願舟行遲故山隔煙霧回首望見之去去日已
遠縣縣空爾思白雲自南飛是我北征時

燕子磯阻風

舟行望名山每惜輕帆快賴爲風所阻得與靈境會我行
值江漲洶洶納萬派岸遠洪濤湧浮生擲一芥今朝登危
磯振衣出天外江流入青蒼繚繞僅如帶始知舟中人所

見苦不大干一浮漚身世竟何礙南朝王氣盡天塹失
雄界何況壁間人名姓知誰在歲月去如瞥俯仰發深喟
自鄱齋移寓雙桂閣

大郡急簿書聚戟高牙雄喧闐雜敲扑聞客難自容獨尋
山外寺曠若鶴出籠道人頗解事埽徑畱孤蹤荒庭過殘
雨高閣延清風山深亂蟬響樹靜棲鳥慵憑欄一以眺江
遠煙濛濛鄉關渺何處但見波涵空鄒嚴兩佳士攜酒來
相從開軒命深酌一洗煩臆胸晚來客復散照壁孤燈紅
幽獨意有適未肯悲飄蓬

秀水道中

江山無窮期遊子去安適征衫挹新爽小艇破遠碧濛濛

煙雨細黯黯溼雲積晴光晚忽鬢秋色澹無迹香過菱葉
青響入荻花白近水千家出身橋一徑僻魚蝦足饕餮婦
子自晨夕人生本安閑嗟爾遠行客

與李植亭遊西湖

尋山無地主徑迷力徒耗大似讀古書正賴經師導我欲
訪西湖獨客敢輕造植亭亦作客要是先我到與湖頗有
舊筐篋久傾倒引我上扁舟率意逐幽好名山與勝蹟歷
歷爲我告浩蕩納煙波盤紆盡隈隩藉君介紹力使我覩
堂奧畫稿已在腹待拈秃筆埽

閒官四五人襟期各曠蕩能爲無事飲日日西湖上湖亦
能娛客無窮出變相山水互吞吐煙雲乍收放環湖三十

里煙雲各異狀前瞻後忽移新獲舊已忘千頃汪洋波莫測至人量屢到意未歇將歸興猶王天憐林處士以湖爲供養嗟我行役勞回棹默惆悵

江山本天成亦要樓臺扶翠華久不來勝蹟半榛蕪我謂起樓臺但爲遊者娛不如拓湖淥水深資灌輸旁邑萬頃田可免亢旱虞老封安所置置之湖中區或培南北隄桑柳植萬株金錢豈不費利亦十世俱大官老於事議此屢囁嚅嗚呼飲鹹苦誰使居民蘇

跋涉豈不勞湖山信可悅兼復遇故人快意亦雙絕十日湖中遊短棹不遑輟湖光照襟裾形神盡澄澈故人屢置酒未許盃餐缺霜鱸白魚鮮風蘆紫筍折半生飽塵土於

此吸芳潔，何無買山資。一椽茅共結，名山與好友。俱是難
爲別，歸途有清夢。明月永不滅。

雨花臺雙桂

出郭恣幽討，一徑穿蒼煙。巋然古刹高，雙桂當門前。枝幹
何龍竄，上與雲氣連。廣蔭五畝外，濃香十里閒。想當植根
時，陵谷几幾遷。豈無郁烈姿，伐性防膏煎。托跡在深山，永
用保天年。向使處城市，日作俗子緣。聞香競攀折，葉安
得全。臧此悟身世，恬退良爲賢。

秋雨

陰雲蔽城闕，積雨生薄寒。客子坐愁絕，自念秋衣單。徒步
出門去，行潦何漫漫。水流車轍中，奔趨起微瀾。進退兩脚

躡蹻蹶良足患褻褻復歸來悟此行路難

春日集黃花耘宅分韻得茅屋二字

幽居意不慳寂寞禽依巢出門見芳草春色忽滿郊高齋
入小徑斗酒陳山肴安得二頃田相約聯衡茅

萍遊各有繫孤劍風塵熱今朝恣歡娛良晤豁心目花氣
澹生煙盞影寒入竹酒酣詩亦成風雨響老屋

晉池

未夕流泉流衆籟苦未定雖有太古音嘔雜難爲聽人夜
人鳥寂泉聲遂獨盛乃知耳目閒動靜互相勝泉聲無洪
纖時境有變更心靜耳則聰至理了可證清音在空山豈
與塵喧競停車傍山館褻褻俯松磴未能濯吾襟悵爲日

忽暝須臾月出山天宇澄空鏡素練與銀蟾清輝高下映
竚立久徘徊頑慮滌已淨我行塵琴中俗情日分遊語言
失心聲文字亦口佞今聞洙泉聲恍如舊夢醒何當此結
廬旦夕有清詠

太原寄送麓西兄之任太湖

頻年我北征快若魚赴壑賴有伯氏賢輝光照附萼宗支
古所敦晨夕欣有托怡怡伯仲聞師友不外索置行得準
繩論文通藁簡至言無甘苦益我盡良藥開尊夜而酌推
盤秋翦蠶夙心有內契形迹無外縛同是天涯客鄉心懸
夜柝風雨孤燈寂君歌我復喞旅愁紛萬弩正借談笑卻
未覺歡宴多但說長安樂看君經世才精芒淬蓮鏢十年

纔得調閒官空獲落譬有阻百斛僅受水一勺豈能遽沾
漑聊足自斟酌姑蘇好山水文物盛京洛畫樓千門開牙
樞萬里泊屈指下車時春風花繞閣迴眺太湖邊冥冥天
宇廓作吏在仙鄉浩蕩塵襟拓朔風天正寒襟被卷行聚
江淮波浪大四顧駭無罅羽翼一朝判良會安可度我生
浮滄澗渺渺無住著引頸爭腥臊忍饑憐瘦鶴昨日入并
門凌寒上岵嶠薄曉霜嚴輪摧仄徑惡關河阻且長天
隔一方各回首望南雲誰與慰索寞輓轡不可斷離懷日
紛錯紛紛何由訴意長語易闕神物合有時期以延津躍
李石臺師以小照命題卽以贈別

泛舟出海外地盡茫茫豈期遇先生重敘平生歡先生

詩思闢與海爭波瀾長嘯蓮峯頭青天翻紫鸞天風吹兩鬢
悠然懷故關出門二十載倦鳥飛知還我欲從先生結
屋翠微閒窗裏白雲起檐前飛瀑翻孤松夕暎靄列岫晴
巖旣樵逕入窈冥煙深無人攀瀟茗依花啜攜琴就石彈
高結太古契淨洗塵中顏侯芭時載酒應劭不稱官吟嘯
承晨夕豈肯憂饑寒畫手具邱壑寫此尺幅寬歸山定何
日展卷空長歎先生舊業盡松菊隨榛管我亦走塵莽長
愧青山閒海邊一爲別別易會每難他年共歸隱重展此
圖看

焦山松寥閣

金山明麗京口邊有如要路共負緣焦山寂寞似隱士深

藏雲霧幽且妍當塗畫舫不得到但許閒客來留連鄒巖
二子有佳趣曉日共泛空江船西風張帆去如箭仿佛欲
到三山頗晴波搖窗動銀闕海濤入枕鳴鈞天松寥三宿
未肯去清夢栩栩追飛仙何來熱客強解事聊拋簿領於
餘閒趨迎老僧屢局促危坐諸客非安便匆匆一飯促歸
棹江山妙處安能傳不辭車騎踏寺破兼恐鼓角驚龍眠
勸君來遊俟他日尋山有興當歸田

送花漁弟赴益陽

行有日矣烏能留呼酒追歡意常警我方醉臥君已行不
使臨分動悲哽白君歸到正新春兒女青紅鬪妍景亦知
窮巷居難久爲戀佳辰得同領連朝風雨江增波渺渺天

邊片慨然遠避免經艱險猶往還應抱淒冷翩翩書記
才調高碌碌依人意氣靜只今三十好年華可惜蹉跎逐
萍梗士衡幸有屋三間季子所須田二頃他年與爾同歸
來莫憾吟聲雜蛙黽

流民行

巴邱南北茂頻荒道路流民隊隊長井邑拋離逃賦稅妻
孀提挈來江鄉江鄉迢遞多辛苦自約比鄰成什伍夜宿
深藏古驛雲朝饑叫徹荒村雨吹簫乞食寄生涯恩惠堂
曠山富家趙盾分餐甯望報黔婁有食豈嫌嗟富家高誼
無人誦倒篋傾筐竟何用糶米俄空一歲儲傳餐要設干
人供春田幾處有新苗大麥青青草未薅雞犬連村氣不

靜米薪入帝價頻高君不見流民自古相雄長李特主如
愁伏莽亡命追奔馬牧兵少年劫略桓東黨中朝諸老集
朝簪歌舞叢中樂正酣發粟幾人同汲黯恤民誰得似張
堪昨聞大吏飛章入尙報豐穰有餘粒穀帛催徵去歲租
車牛促辦公家急我來倚棹漢江城路見流民一棺情自
笑年年彈劍鍊豈能溫飽慰蒼生

張孝子割股詩

霜鋒稜稜血沒肘寢門二豎駭已走玉樓使者卻不前巫
陽下招徠徇久親疾沈縣牛撼牀兒心迫切烏傷口鹿菴
獅尤盡無用苗父俞村皆束手潛心默禱百靈下翠旄續
紛驚戶牖祝詞燄燄飛入室冥芒萬道失牛斗利刃透骨

股肉脫血花墮地三寸厚庭空夜靜悄無人腥風繞屋不
敢吼糜羹散作青精香返魂不待吉雲酒雞鳴問寢霍然
喜收拾珍膳捐藥曰舉家怪詫勞冥搜金漿玉液事豈偶
至性惟應帝座通奇功未許東皇受我聞療病禁毀身傳
自前朝宣德後可憐總旗衛家女珊瑚環佩歸來否禮官
中名議屢格迂論無由破墨守當時眼枯腸斷絕區區股
肉竟何有古來奇行非恆理冬筍自生魚自剖要令俗耳
三日龔豎儒何用相譏措卽今孝治日蒸蒸此事端歸風
化首安得輸人上論列張孝子傳垂不朽

唐文皇晉池碑

乍疑蛟螭挂晴昊又疑玉樹穿煙蕪捫碑諦視目欲眩英

姿想見虬髯初駢儷已足壓盧駱波磔更欲凌歐虞龍跳
虎臥得筆訣竟與逸少爭先驅後來米老最豪放尙云氣
懾難追摹玉魚秘蹟漸零落茲碑髣髴畱形模當年禱祠
起義旅功成作頌明禋臚禡裘公子十八九手持三尺清
海隅雖云神助致功速豈暇弄筆儕腐儒始知英武白天
授睿藻不獨飛白書千餘年來尙完好未受剝蝕風雨餘
字青石亦露光怪玉衣鐵馬神有無鞭霆叱電爲守護陰
巖慘澹草靈趨桐圭祀典永不墜冥冥神契交相扶我來
徑欲就碑臥新月皎潔清霜鋪摩挲封藓坐太息昭陵王
業安在平昔日瓊簷玉作砌奎光照耀侔丹雘今亭子
小且陋旁風上雨龜墮跌寸天尺地盡迴換碑前流水空

笙竿

晉池古柏

萬山迴合泉奔注中有雙柏鬱煙霧隄披鐵幹靈虬蟠
出霜根怪獸踞真人龍起已飛去餘氣蜿蜒入老樹千年
兵火滄桑多嗟爾長年閱變故翠黛惟應鸞鳳棲陰森合
有鬼神護人閒正須梁棟材工師卻立不敢顧

肅親王墓松

肅王勳業垂鼎鐘此松翠黛長丰茸肅王幽死困讒妬此
松盤拏尙鬱怒幢幢車蓋遮陰房年經二百多風霜新枝
扶疏已數畝老榦蜷曲纒過牆橫披倒捲勢不定蒼皮剝
落翠鬣勁偃蹇潛虬蟠不飛峻嶒積鐵拗忽併自從

聖主爲洗冤豐碑百尺高插天粉牆丹桂護幽巖瑤階碧
甃流清泉豐碑自高松自曲生前幽憤總莫贖夜深月黑
洪濤驚仿佛靈旗樹柏宿薰樹千年禁斧柯青青長遣鬼
神呵祠官祭埽淚如霰一曲雍門哀怨多

漢口雜詠

旅舍堪懸榻粉榆慰所思但能容嘯傲甯敢厭喧卑窗暗
朝眠穩廚荒午飯遲客甘冷澹此境早應知

有約看花去青衫北里遊香塵通小徑豔色照高樓何處
春光好頻年旅客愁關山無限苦重唱古梁州

苦憶袁夫子淒涼通德門宦囊因酒盡遺業有書存問字
情何闕生芻誼孰敦諸郎能秀出萬石道原尊

萬頃琉璃界，瀟波天四圍。垂楊風有態，小艇鷺同飛。村落
浮煙翠，樓臺澹夕暉。此行良不惡，新自月湖歸。
百戰消遺跡，嚴城夾岸浮。波濤千古壯，吳蜀一帆收。浩蕩
中原氣，蒼茫澤國愁。誰人吹短笛，醉倚水邊樓。

揭陽臥病

海氣蒸衣暈池光，入座沈竹垂殘雨。重蕉覆晚煙，深地僻
書難到。春寒病易侵，登樓一長望。迢遞起鄉心。

澳門

遠嶼浮天小，微雲入海消。時清通市舶，地盡失銅標。樹色
秋飛雨，沙痕夜落潮。客心孤迥處，風緊片帆遙。

春雨

細雨春山暗，荒庭晝悄然。花光常近水，草色欲浮天。燕暖香成壘，鶯遲溼坐煙。離懷消不盡，惆悵上灘船。

乙亥仲秋

清光炯炯出林端，獨上危樓眼界寬。今夜纔知秋色好，幾人能向故園看。煙開極浦歸鴻杳，露下長空獨鶴寒。便欲凌風振衣去，瓊樓高處好憑欄。

田叔故里

漢家廷議竟無倫，賜爵偏邀守相尊。能遣弟兄消舊夢，肯教翁婿失新恩。忠輸國士甘穿墓，事白屏王照覆盆。只恨柏人空一擲，篋輿悽惻不堪論。

宿什帖鎮懷太原

征衫曉拂麴塵閒晴日嚴城柳外看萬疊關山隨匹馬隔
年冰雪送餘寒浮蹤似雁歸偏早久客如家別亦難旅舍
荒涼一回首昨宵笙管到更闌

天津三首

萬派爭流水國雄大藩形勝踞畿東人家樓閣波聲裏估
客檣帆夕照中平野鳥衝沙嶼雨危城旗掣海門風晚霞
明處長安近綠樹蒼煙望不窮

疏柳垂虹跨碧流依稀風景似揚州三更歌管邀歸騎十
里荷花送小舟海上微雲常帶雨水邊高閣最宜秋粉檣
丹柱煙霞裏父老還思御輦遊

別浦橋通小艇過腥風吹水起漁歌酒旗明月持螯便茅

屋吹煙斫臙多輸費鮫人晨列肆裏鹽海戶夜熬波誰人
更著桓寬論津淀安流政自和

博羅舟中次王梅溪韻

學士春來夢忽醒炎方謫宦此重經孤臣萬里空回首詞
客千年尙有靈富貴金蓮悲遇合風流筭笠寫丹青道山
仿佛騎鯨去貝闕珠官路杳冥

蜀魄嗁殘客未醒孤篷飄泊我初經天涯歸夢驚風雨客
裏清談見性靈靜夜魚龍吹水白極天關塞遍鐙青江湖
豪氣消難盡海上槎痕盪杳冥

浮生大夢幾時醒雨雪關河迹遍經出處怕招同輩笑文
章難乞古人靈水遙春色雙瞳碧山隔中原一髮青千里

鄉書何處達炎方鴻雁去冥冥

春夢沈沈喚不醒仙山何處訪仙經詩情最豔花無色愁
緒難消酒不靈浪迹十年頭易白天涯一見眼猶青稚川
尙有長生錄莫道雲山道杳冥

澳門喜遇李石臺先生

自別春風二十年尺書無雁寄南天豈期渡海收帆處重
有登門立雪緣久客光陰華髮滿故園消息夢魂牽昌黎
弟子誰鳴盛句律津梁早歲傳

舟中次賀蔗農韻

襪被蕭然出帝城幾年辛苦誤浮名風霜寂寞詩偏
壯關塞崎嶇氣未平孤雁忽驚羈客夢一樽相慰故人情

朱門長缺徒爲爾爭似出園飽蠶羹

車前叩角自悲歌閱盡艱辛竟若何客路如君青眼少故
山招我白雲多判教鯨吸干盃盡尙有龍吟一劍磨記得
前番同策蹇月明茅店影婆娑

舟泊淮陰再疊前韻

倚棹長淮近古城大藩財賦舊知名金隄北控黃河壯粉
堞西連翠嶼平水繞釣臺寒更咽草荒遺廟碧無情王孫
一飯堪千古底事高皇笑戛羹

客中無那聽清歌每聽清歌喚柰何薊北霜高歸騎急淮
南木落遠山多頓經潦倒遭花笑空費精神爲墨磨欹枕
徘徊不成寐聞雞聊復舞婆娑

張特進故里四絕

百戰艱難欲渡河豈知帝號入沙陀老奴一掬英雄淚更
比三垂岡上多

近侍縱橫禍輒新汴州持璽更何人憑君寄語序丞相莫
斬家奴斬貳臣

恢復空勞巨鎮開遺民零落有餘哀老奴心事憑誰訴合
覓江東羅秀才

五季兵爭局未終士夫無復說堅忠從教薦主猶遺憾長
樂名高入姓中

